

PRAVILNIK

O IZMJENAMA I DOPUNAMA PRAVILNIKA O DIMENZIJAMA, UKUPNOJ MASI I OSOVINSKOM OPTEREĆENJU VOZILA, O UREĐAJIMA I OPREMI KOJU MORAJU IMATI VOZILA I O OSNOVNIM UVJETIMA KOJE MORAJU ISPUNJAVATI UREĐAJI I OPREMA U SAOBRAĆAJU NA CESTAMA

Član 1.

U Pravilniku o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saobraćaju na cestama ("Službeni glasnik BiH", br. 23/07 i 54/07) u cijelom tekstu, u odgovarajućim padežima:

- a) riječi "bicikl sa motorom" zamjenjuju se riječju "moped"
- b) riječi "reflektirajući prsluk" zamjenjuje se riječima "svjetloodbojni prsluk".

Član 2.

U članu 2. stav (2) riječi "masa kojom vozilo pritiska na podlogu" zamjenjuju se riječima "masa vozila koja se preko osovina vozila prenosi na vodoravnu podlogu u stanju mirovanja vozila".

U stavu (4) tačka g) mijenja se i glasi:

"g) Karton ovjere tehničke ispravnosti uređaja ugrađenog u vozilo na plinski pogon je obrazac na čvrstom papiru, dimenzija 100x70 mm, koga izdaje stručna institucija uz uvjerenje o certifikaciji, a koji ovjerava stanica tehničkog pregleda kada utvrdi da je uređaj za plin tehnički ispravan."

Član 3.

U članu 4. tačka c) na kraju teksta dodaju se riječi "(sigurnosni trokut)".

Član 4.

U članu 5. stav (7) mijenja se i glasi: "(7) Najveća dopuštena dužina skupa vozila za prijevoz vozila ne smije prekoračiti vrijednost 21,00 m."

Iza stava (7) dodaje se novi stav (8) koji glasi: "(8) Najveća dopuštena dužina turističkog voza ne smije prekoračiti vrijednost 41,00 m."

Dosadašnji st. (8) i (9) postaju st. (9) i (10).

U stavu (10) riječi "(MUP, SIPA, DGS, OSA, i sl.)" se brišu.

Član 5.

U članu 11. stav (4) tačka b) alineja 4. riječi "udvojenim osovinama" zamjenjuju se riječima "udvojenim gumama".

U stavu (6) tačka d) riječi "u svrhu posebnih, kombiniranih prijevoza između članica EU" se brišu.

Član 6.

U članu 40. stav (3) u drugom redu iza riječi "vozilima" briše se riječ "i", stavlja se interpunkcijski znak "zarez", a iza riječi "mašinama" dodaju se riječi " i traktorima".

Član 7.

U članu 123. iza stava (3) dodaje se novi stav (4) koji glasi:

"(4) Izuzetno od stava (3), radi prijevoza djece starosti do dvije godine, u putničko vozilo, na prednje sjedište suvozača ako nema zračni jastuk ili je zračni jastuk isključen, može se postaviti dječije sjedište i to tako da je isto postavljeno suprotno smjeru retanja vozila, a pričvršćeno je za sjedište pomoću sigurnosnog pojasa u tri tačke vezivanja ili posebnim kopčama u vozilu."

Dosadašnji stav (4) postaje stav (5).

Član 8.

U članu 127. stav (2) mijenja se i glasi:

"(2) Na traktore koji na ravnoj cesti razvijaju brzinu kretanja veću od 30 km/h primjenjuju se na odgovarajući način odredbe čl. 5. do 52., čl. 60. do 62., te čl. 111. do 126. ovog Pravilnika."

Član 9.

U članu 129. stav (1) u prvom redu iza riječi "ceste" stavlja se interpunkcijski znak "zarez" i dodaju riječi "označavanje vozila". Iza tačke f) dodaje se nova tačka g) koja glasi:
"g) žuto-narandžasto rotaciono i/ili treptavo svjetlo".

U stavu (2) iza riječi "smjera" briše se riječ "i", stavlja se interpunkcijski znak "zarez", a iza riječi i "tablice" dodaju se riječi " i žuto-narandžasto rotaciono i/ili treptavo svjetlo".

Član 10.

U članu 147. stav (1) iza riječi "ceste" dodaju se riječi "(sigurnosni trokut)".

Član 11.

U članu 148. dodaje se novi stav (2) koji glasi:

"(2) Sadržaj kutije prve pomoći iz stava (1) ovog člana je u skladu sa važećim bosanskohercegovačkim standardom BAS."

Član 12.

Čl. 53, 54, 55, 56, 57, 58. i 59. se brišu.

Član 13.

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj: 01-04-02-2-5996/1228. novembra 2012. godine
Sarajevo

Ministar
Damir Hadžić, s. r